

# Hazrat Hussain Shujauddin Siddiqui (Alaih Rahma)

Al Ma'roof Hussaini Pasha

[1910 AD – 1998 AD]



## Naam-o-Nasb

Aap ka ism-e-giraami Hazrat Hussain Shujauddin Siddiqui Al Ma'roof Hussaini Pasha hai. Aap ka laqb Khutb-ul-Akhtaab, takhallus Izzat Siddiqui. Aap ke jadd-e-A'ala Hazrat Shah Abdul Gafoor Khuddas-e-sirrahu Ahmedabad, Gujrat ke mutawattin the aur wahi aap ka mazaar hain, yeh nizaam-mulk Aasif Jaah Awwal ka zamaana tha. Aap ka pidri silsila-e-nasb 21 waaston se Huzoor Sayyedana Abu Bakr Siddique ؓ se milta hai. Aap apne waqt ke Jaleel-ul-qar-o-jayyad-aalim-e-deen Sufi Mashraf, Muhaddis-o-Mufakkir-o-Muslah-e-deen hai. Aap Hanafi maslak, aali martab Quadri buzurg hain.

Aap apne waalid Hazrat Behr-ul-uloom Muhammad Abdul Qadeer Siddiqui (RA) ke paanchwe farzand-o-jaanasheen-o-khalifa hain. Soorat-o-shabaahat mein apne walid-e-buzurgwar jaise hain, balke muqaam-e-wilaayat mein bhi apne waalid muhtaram ke tufail mein unke haqeeqi jaanasheen bhi the. Aap Hubb-ul-llah aur hubb-e-Rasool ﷺ mein ektra rahe aur insaan-e-kaamil ke martabe pe fayez rahe.

Aap ka kalaam kuliyaat-e-izzat ke naam se shaa'e hua jo ishq-o-muhabbat, irfan-o-ma'refat se bhara hua hai. Apni heen-e-hayat mein khud apna kalaam padhte aur dars diya karte the. Aap ke hazaaron mureed aur kaseer khulafa hue jo fayez-e-sohbat-o-roohaniyat se mumtaz hain. Mujh haqeer par bhi aap ki nigaah-e-karam aur sohbat-e-ba-barkat se sarfarazi hui aur apne khadim-o-khulfa mein shaamil farmaya. Aap apni masroofiat ke bawajood mujh haqeer ke walid-e-buzurgwar ke urs ke mauqe par aur Hazrat Pia Quadri (Rahmatullah Alaih) ke urs ke mauqe par banafs-e-nafees shirqat farmaaya karte aur mehfil-e-sama' ki sarparasti karte rahe.

## **Wisaal-e-mubaraq**

Aap ka wisaal-e-mubaraq baweess, 22 Rabbi-ul-awwal- 1418H baroz-e-Jumma bawaqt-e-Fajr, mutaabiq 17 January 1998 AD hua. Aap ki namaaz-e-janaaza Makkah Masjid, Hyderabad mein ada ki gayi aur hazaaron mureedeen-o-mu'taqideen maujood the aur aap ki tadfeen, aap ke waali-e-buzurgwaar Hazrat Hasrat Siddiqui (Rahmatullah Alaih) ke paanyi mein anjaam paayi. Yeh raaqim khaadim ko aap ki rehlat ke ehtemaam mein bohot qareeb se husn-e-khidmat ki sa'adat haasil rahi.

Khaadim,

**Al faqeer Syed Mohiuddeen Mir Lateefullah Shah Quadri (Quadri) Al  
ma'roof Muneer Pasha Quadri**

Farzand-o-Jaanashien Hazrat Doctor Khwaja Abul Khair Mir Momin Ali Shah Quadri  
(RA)